

Ineqarnermut, Attaveqarnermut Angallanermullu Naalakkersuisoq
Medlem af Naalakkersuisut for Boliger, Infrastruktur og Trafik

Naalakkersuisut Siulittaasuata tullia
Viceformand af Naalakkersuisut

Inatsisartuni ilaasortat Finn Karlsen, Siverth K. Heilmann, Naja Petersen, ATASSUT
-/Maani

**Nuummi Tuapannguani inissiani nalinginnaasumik
attartortittagangortinneqartussani attartortussanut piumasaqaatit
Inatsisit suut tunngavigalugit Naalakkersuisut aalajangersaappat?**

Asasakka Inatsisartuni ilaasortat,

Tuapannguani napasuliani 4-miit 7-imut inissiat 30-it tikillugit Namminersorlutik Oqartussat inissiaataanni attartortunut attartortittakkatut atorneqarsinnaanerit pillugu Naalakkersuisut siunnersuutaannut tunngatillugu apeqqtisi pillugit qutsavigaassi, taakkulu matumani akissuteqarfigissavakka.

Aallarniutigalugu erseqqissaatigissavara, siunnersuut 2010-mut aningaasanut inatsisissatut siunnersuutip pingajussaanneerseqarnissaanut atatillugu Naalakkersuisut saqqummiussarimmassuk. Allanguutissatut siunnersuut kontomut pingaarnermut 89.72.13 Taartissatut sanaartukkat, oqaasertaliussanut allanguutissatut siunnersuut aqutigalugu atulersinneqarpoq. Allanguutissatut siunnersuuteqarnermi inissiat 30-t Namminersorlutik Oqartussat inissiaataanni attartortittakkani attartortunut innersuunneqarsinnaalerput.

Allanguutissatut siunnersuummi, aningaasanut inatsisissap pingajussaanneerseqarneranut atatillugu suliarineqartussami imatut allassimasoqarpoq;

"Illuutini 4-mi, 5-imi, 6-imi aamma 7-imi kisimiilluni piginneqataaginnarnissamut aamma piginneqatigiilluni inissianik nammineq sulisunut, namminersortut inissiaataannut attartortittakkanut nalinginnaasunut atugassarititaasut tunngavigalugit attartortitsarnissamut, tamatumunngaluunniit taarsiullugu qitiusumik allaffeqarfimmut inissiigallartarfittut attartortitsarnissamut Naalakkersuisut piginnaatinneqarput. Inissiat 30-t tikillugit Namminersorlutik Oqartussat inissiaataanni attartortittakkani maanna attartortuusunut nammineq kissaatigisamik nuunnissamik qinnuteqarsimasunut innersuunneqarsinnaapput. Nammineq kissaatigisamik nuunnissamut qinnuteqarsimasut akuerineqassagunik, maanna inissiami najukkaminni ukiut kingullit pingasut ingerlanerini ineqarnermut akiliummut akilinngitsuukkaminnik akiitsoqarsimassanngillat, taamatullu attartortut piffissami tassani torersaarnissamut maleruagassanik unioqquitiisimasutut

26. november 2009
Sags nr.
2009-022194
Dok.nr. 260748

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl

maalaarutigineqarsimassanatik. Inissiat Namminersorlutik Oqartussani inissianik attartortittakkanik attartornerup sivilissusaa malillugu innersuunneqassapput. Piginneqatigiilluni inissiatillit peqatigiiffiata torersaarnissamut maleruagassanik unioqutitsineq imaluunniit ineqarnermut akiliummik akiliinngitsoorneq erngerluni siumoortumik nalunaarnertaqanngitsumik attartorunnaarsitsinermik kinguneqartinneqartassaaq. Inissiat immikkoortortamit, Namminersorlutik Oqartussat ineqarnermut illuuteqarnermullu soqutigisaannik isumagisaqartumit aqunneqassapput. Inissiat attartortumiit piginnittumut aqqissuussineq imaluunniit piginneqataasumiit piginnittumut aqqissuussineq malillugu tiguneqarsinnaassanngillat.”

Atassummiit apeqqutit aalajangersimasut saqqummiunneqartut ukuupput:

1. Qanga Naalackersuisut ataatsimiinnerminni aalajangerpat inissiat 30-it attartortittagangortinneqassasut?

AKISSUT: Naalackersuisut inaarutaasumik aalajangerput ulloq 19. november 2009.

2. Qanoq iliorluni attartortut 30-it toqqarneqassappat?

AKISSUT: Oqaasertaliussassatut siunnersuummi allassimavoq, inissiat Namminersorlutik Oqartussat inissiaataanni attartortittakkani maannakkut attartortuusunut nammineq kissaatigisamik nuuffissatut innersuunneqassasut. Tassalu Namminersorlutik Oqartussat inissiaataanni attartortittakkani attartortut inissiamut allatsinnissartik anguniarlugu namminneerlutik suliniuteqassapput.

3. Kikkut aalajangissavaat attartortut 30-it kikkussanersut?

AKISSUT: Oqaasertaliussani allassimavoq, inissiat Namminersorlutik Oqartussat inissiaataanni attartortuusimanerup sivilissusaa malillugu innersuunneqassasut.

4. Inatsisit suut tunngavigalugit qaammatini arfinilinni inigisamut akiliutip nalinganik naafferarneqarsinnaanngitsunillu qularnaveeqqusiisoqarnissaa aalajangiunneqarpa?

AKISSUT: Piginneqatigiilluni inissiat pillugit Inatsisartut peqqussutaanni nr. 2-mi, 16. maj 2008-meersumi § 24, imm. 2-mi allassimavoq, piginneqatigiilluni inissiamik attartortitsinermi inissianik attartortitsisarneq pillugu Inatsisartut peqqussutaanni namminersortut attartortitsisarnerannut maleruagassat malinneqartussaasut. Namminersortut attartortitsineranni qularnaveeqqusiissuteqartarneq inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-meersumi § 40-mi takuneqarsinnaavoq. Qularnaveeqqusiissut annerpaamik qaammatini arfinilinni ineqarnermut akiliutip nalinganik annertussuseqartussaasoq tassani allassimavoq. Qaammatini pingasuni attartornermut akiliutip nalinganut qularnaveeqqusiissutaasartut inissianit nuunnermut atatillugu aningaasartuutit matunissaannut naammanneq ajornerat pissutigalugu Namminersorlutik Oqartussat inissiaataannit attartortittakkanit nuuttut A/S Inissiaatileqatigiiffik INI-mut akiitsui akiliinngitsuukkat amerliartormata, piginneqatigiilluni inissiatillit peqatigiiffiisa qularnaveeqqusiissutaasartut qaammatini arfinilinni attartornerup nalinganut aalajangertariaqalersimavaat.

Eqqumaffigineqartariaqarpoq piginneqatigiilluni inissiaatillit peqatigiiffiat taamaallaat 30-inik inissiaartaqarmat, taamaattumillu aningaasaqarnikkut qajannartumik inissisimalluni. Namminersorlutik Oqartussat inissiaataanni attartortittakkani attartortut ilai ineqarnermut akiliutissaminnik akiliineq ajorsimappata, tamanna ineqarnermut akiliummut tamakkiisumut annertuumik sunniuteqarneq ajorpoq, tamannalu ineqarnermut akiliutinut akilinngitsuukkanut taarsiullugu ineqartut amerlasuut (untritillit arlallit tikillugit) akiliisarnerannik pissuteqarpoq. Kisiannili inissiamit nuunnermut atatillugu ineqarnermut akiliummik akiliinngitsoortoqarsimappat, imaluunniit akilinngitsuukkanik akiitsoqartoqarsimappat, tamanna piginneqatigiilluni inissiaatillit peqatigiiffianut, 30-iinnarnik attartortulinnut annertuumik sunniuteqartussaavoq. Attartortup ataatsip qaammammi ataasiinnarmi ineqarnermut akiligassani akilersimanngippagit, tamanna attartortut 29-t sinnerisa ineqarnermut akiliutaasa 4%-imik qaffannerannik kinguneqarsinnaavoq. Namminersorlutik Oqartussat inissiasuaataanni ineqarnermut akiliutip annerpaamik 5,5%-imik qaffanneqarnissaa pillugu siunnersuutip, inuiaqatigiinni akit tamarmiusut qaffannerinik pissuteqartup politikikkut eqqumaffigineqarneranut tamanna naleqqiunneqassaaq.

Ineqarnermut akiliummik akiilinngitsoortoqassappat, aammalu inissiamit nuunnermi akiliinngitsoortoqassappat, tamanna piginneqatigiilluni inissiaatillit peqatigiiffiisa aningaasaqarnikkut pisussaaffimminnik naammassinnissinnaannginnerannik, aammalu realkredittimit taarsigassarsititsisarfinnut akiitsuminnut akilersukkaminnut ingerlatsinermullu aningaasartuutissaminnut akiliisinnaajunnaarnerannik kinguneqartussaavoq.

5. Sooq inissiat piginneqatigiilluni inissiaatitut tiguneqarsinnaassanngillat?

AKISSUT: Namminersorlutik Oqartussaasimasut ukiuni arlalinni sulisunik inissigallartarnermut aningaasarpassuarnik akiliisarsimapput. 2000-imiit 2008-mut (ukiut taakku marluk ilanngullugit) pingaartumik Nuummi inissianik attartortikkallartakkanik attartornermut 190 mio. koruunit sinnerlugit atuisoqarsimavoq. Taakkulu inissianut, 10/40/50-imik aqqissuussineq malillugu aningaasalersoneqartunut 650-it sinnerlugit amerlassuseqartunut, imaluunniit piginneqatigiilluni inissianut 360-inut Namminersorlutik Oqartussat taarsigassarsiaritissinnaasaasa amerlaqatigaat.

Taamaattumik Namminersorlutik Oqartussat sulisunut inissianut aningaasartuutigisartagaasa ikilisinneqarnissaat Naalackersuisut eqqumaffigisorujussuuat. Tamanna pissutigalugu napasuliani 4-miit 7-imut inissiat pingaartumik sulisunut inissiatut atorneqassapput, tamannalu pissutigalugu inissiat piginneqatigiilluni inissiatut imaluunniit inissiatut nammineq pigisassatut tiguneqarsinnaassanngillat.

Inussiarnersumik inuulluaqqusillunga

Jens B. Frederiksen